

畫  
粥  
軒

元



戊戌春日  
紫溪氏訂





張忠端

978794

道光六年新年刊

曹畊陽先生著

畫粥軒詩稿

並律賦詩餘  
附刻霽垣肯構編  
板藏懷郡東門內  
翻刻必究

曹耕陽先生詩序

霽垣曹子邑知名士長予二十五年予執後輩禮而



霽垣則以弟視予蓋尊甫耕陽先生與先君子為同  
社友又為同年生世好至契有不同於泛泛者歲丙  
戌霽垣將刻耕陽先生畫粥軒詩集囑予為叙予自  
維庸劣謏陋何足以序先生詩而獨有深感於是集  
者昔在乾隆丁酉戊戌間先君子集同人聯星社以

卷五

一

一

詩文相切劇時則有賈丈約園楊丈介眉李文淑度  
與先生為五人而先生尤心契先君子社中之作悉  
從先生定優劣先生所作則囑先君子直筆焉先生  
長先君子亦二十餘歲每降心相推許嘗酒酣語先  
君子曰吾鄉風雅之學代有傳人然其集皆藏於家  
而未行於世吾子异日必大成當闡揚前哲以廣文  
獻之傳吾輩或可附以顯乎先君子則曰不敢負此

諾因更呼酒諧笑盡醉乃止先生長身廣頰美鬚髯  
善飲酒於書無所不讀而性沈厚未嘗以口舌見長  
每會集時李文最善談風發泉涌先君子獨與之議  
論往復辯難不窮楊賈二文或時出偏師攻之先生  
則浮大白據案疾書頃刻數十紙先君子嘗曰諸公  
詩淑度以才勝約園以趣勝介眉以學勝耕陽丈所  
作則醇古淡泊不求工於字句而最得中正和平之

范序

二

肯殆以天勝耶嘗欲輯前輩之詩選而刻之名曰沁  
園風雅乃宦遊南北迄無暇晷己卯歲纂輯稍就亟  
命予從霽垣抄先生詩未竟而先君子遽棄養今日  
晝粥軒之詩哀然成集先生則傳矣惜先君子之不  
克見也嗚呼當五先生星社會集其時不及二載而  
聲震當時到今稱不替乃李文歿時嗣子尚幼其  
詩既已散佚楊丈之詩歿後亦僅有存者賈文歿之

四年其子和璧刻養筠軒詩古文稿不過二十之一耳先君子之詩則嘗手自刪定為十二卷雖幸無遺失而予四方餬口未能付梓以視靈垣將先人之詩竭蹶以千首先刊俾行於世真可謂能繼述者予小子殆不可為子矣觀先生之集已媿汗如澍復何敢泚筆於簡端而兩世至交又有不能已於言者至先生詩品之高則固吾先子之所畏小子又奚容復贊

范序

三

一詞也哉

道光丙戌重陽後一日年愚姪范架坊頓首拜序

讀自怡草題辭

畫粥先生經人師一生精力萃於詩身後千首  
瓊瑤詞態度藹藹春雲安根柢情性重倫彝讀  
之如對古鬚眉憤時嫉俗身世悲讀之滿眶垂  
涕洟盲風凜雪愁噓噉山陬水滢話別離寫難  
言景窮毫釐如印印泥沙畫雖匡鼎說詩人解  
頤讀先生集亦如斯同時壘篋應者誰約園

員先

題辭

生湘井亭

范先生  
照藜

山斗齋分牋擊鉢酒淋漓旗亭

畫壁爭高低二君綰綬遊王畿先生抱璞知

音稀虹光幸剖荆山暉副車猶誤博浪椎從此

焚硯名心灰閉門著書百無疑先生天性坦且

夷接引後進情依依文章節行嚴矩規絳帳日

日長笛吹歲在龍蛇哲人萎歿而祭社神所歸

卅年日月堂堂馳流風餘韻猶堪思克家有子

瓊樹枝干言落筆騰蛟螭與余相知心相知揚  
權先德涕漣泗謂自怡集手澤滋今不流傳後  
恐遲手抄目校日孳孳一帙價重璫瑛贊吁嗟  
吾鄉風雅衰前賢凋謝無能追翦紅刻翠摹妃  
豨不於其骨於其皮矧復狂瀾江海頽美言可  
市行則違枝葉未害本實摧安能吐氣凌雲霓  
維桑與梓重思維先生此集典型垂後生步趨  
凜着龜如起沉痾逢良醫所惜無貲鏤棗梨等  
身著作未全窺我欲表章名位卑歌罷仰視鴻  
鵠飛同里後學粟穎題

題辭

道光六年小春吉日



目錄卷一

五言古風九十七首

卷二

七言古風十五首

卷三

五言律三百零四首

卷四

七言律二百一十二首

目

卷五

五言絕句三十一首  
六言六首

卷六

七言絕句三百三十六首

卷七

律賦 附  
詩餘 附

卷八

肯構編 附

畫粥軒自怡草

河內曹履青畊陽甫著

男葵林補注孫

蔚

宸曾孫同謙校

音

五言古

早起即事

夜雨滋秋草草生台上綠  
落葉點空階微風颺修竹  
一鳥俄飛來嚶嚶鳴小屋  
見人不驚猜地下啄遺粟  
倚闌感物情柔馴悅心目  
昔賢慕清閒貴在脫羈束  
少焉朝旭升奚奴催蚤粥

古吹臺次遷廬夫子韻

師曠講樂地吹臺留芳蹤  
孝王愛才人梁苑多奇逢  
二事俱消歇風流愴深衷  
惟餘杜李詞光芒開羣矇  
我來頻拂拭霜葉搖青桐  
慨想文戰厄三北無成功  
何時共讌賞把酒澆太空  
一洗魯將恥勳名比昔崇  
高歌倚修竹一笈失途窮

遷廬夫子歸自河陽出顧命菜詩命和用菜字  
淮南好道人出語亦多慨強分命與讐乳肉大相背  
齊物莊生肯厚薄貴兼配何如互調濟一洗寒儉態  
佳名錫顧命品堪壓鮭菜師學涵雅故作詩鑑二廢  
分題鬥新奇坐使羣賢退歸來示清吟味在酸鹹外  
伊余非食客妄思越俎代譬彼老饕者染指亦稱快  
再拜掣短章蕪詞勞翦裁

登孔山絕頂

畫弔軒

卷一

二

靈境閔深巖倉猝無由見偃蹇如高士羞為塵世翫  
夙嗜煙霞癖名山喜周徧去茲幾由旬十年空眷戀  
徑曲走龍蛇峯高矗霄漢徧仄疲登陟足軟日光眩  
十步九回頭却立紛流汗提攜借短筇媿比猿猱健  
絕頂得奇觀快值天風便遠山羅修眉長河曳匹練  
錯落村墟中金碧浮宮殿祖臂忽狂叫忘却筋力倦  
安得驚人句高歌答雷電裒裒倚怪石忻聆啼鳥喚  
復顧所來途晚霞落如霰

詠懷

斗獻鴻門晏，騅嘶陰陵道。盛衰偶然事，智者空悲悼。  
受風輕燕斜，得雨羣蛙鬧。云胡淨耳目，閉戶謝嘲笑。  
種菜元德譎，割席幼安傲。日月徒奔忙，無妨吟與嘯。

詠史

英雄處世間，賤貧令人恥。發策讀陰符，勿嗤蘇季子。  
衛鞅縮印綬，范雎拖青紫。苟非嗜道深，能禁名心起。  
炎涼生骨肉，矧彼鄉與里。揣摩壞學術，才人每坐此。  
金玉錦繡物，取悅俗心耳。煌煌談仁義，子與今有幾。  
疇甘擁敝裘，掩耳任訕毀。

寄楊清況

名松濤工詩善書法河邑諸生

文章隨氣運，是直悠悠者。興不待文王，豪傑乃非假。  
沉茲雕蟲技，江河忍遽下。吾郡挺昌黎，鉅筆追賈馬。  
餘力作詩歌，浩若銀潢瀉。玉谿生較晚，萬象供陶冶。  
杜詩而韓文，立言羞苟且。丈夫貴特達，高談飛屋瓦。  
白雪陽春辭，勿憂和者寡。中原整旗鼓，前賢臂堪把。

經史瀾其源性靈資披寫此道非異人努力親風雅

感遇 三首

羣雞赴朝旭廣場歡相聚不飛亦不鳴飽食無驚怖  
軒竊忽下來潔白招嫉妬况爾音響殊九霄警清露  
物情駭異狀喙長欲誰訴茫茫天地閒獨立多疑懼  
男兒墮世上識字憂患始高談不諧俗奇文乃積毀  
詩書伏戈矛康衢凜壯趾何若匿深山無嗔亦無喜  
真情對木石空心狎鹿豕冀矣太古風不責往來禮

畫粥軒

卷一

四

寶劍吐龍光斗閒半明滅不逢張博物沈寃幾時雪  
韞玉山含暉懷珠水圓折奇物蓄奇姿嗟哉人誰識  
貴夷蘇秦股貧留張儀舌顯晦各有時琴樽足怡悅

雜咏 二首

驚飈振空林積雪漫平陸飢鴻曳雲來哀音動疎竹  
豈無徭梁謀苟得非所欲君山日高卧干人取奔逐  
子輿歌商頌金石聲出屋古人既已遠澳顏甘凌辱  
薔薇色嬌豔培植頗辛勤花成不可摘含刺多中人

平生羽翼客往往遭反唇么麼豈足較恐傷風俗淳  
環銜雀戴德韉垂馬知恩物性尚如此吁嗟復何言  
讀史有感 二首

洋林巢鴉鳥糞壤擢靈芝位置失常格怪變乃如斯  
負乘終致寇非分識者訊伊人不淪落場苗代紮維  
丹朱墜堯統崇伯踐舜基造化秉公道芸生媿前知  
園桃雨露零嶺梅霜雪壅達觀驗本根詎因顏色動  
藥卻降阜隸豪侈益悲慟范蔡取卿相賤貧脫旋踵  
畫粥軒 卷一 五

人操榮辱權體貌非所重土偶被珠璣兒童供嘲弄  
古詩調友人

丈夫志遠太霖雨潤蒼生區區一室塵齷齪不遑清  
況彼日提攜乳哺及孩嬰是曰婦人職云胡代之營  
得無獅吼輩袖手樂安寧鬚眉而巾幗鄙人昧重輕  
坐使英雄氣不敵兒女情懷私多睚愛謬託慈仁名  
不知呱呱泣過門弗暇聽到今千百載大禹垂休聲

古風

垂老還家園山林樂方始曝背話金鑾恐未遺青紫  
每飯不忘君杜陵遭亂耳流離望中興誠悃乃無比  
豈將傷亂詞持去媚天子況當太平時歸休亦已矣  
瑣碎託戀主芹曝詐若此遠愧二疏賢分金醉鄉里

早起即日

積雨禾生耳泥淖阻春耕今朝忽開霽烏鵲有歡聲  
啁啾茅欄上如調琴與箏早起適無事閒繙爾雅經  
瑣碎辨蟲魚覩茲怡我情悠悠大化中萬物樂其生

畫弔軒

卷一

六

雨窻遣興

昨午陟春堤花光團若暮今晨坐幽軒雨繁聲如織  
看花嬉明媚聽雨豁胸臆呼童具筆硯微吟任所適  
窓虛爐篆縈簾疎竹香裊此中有佳興熟客嗟未識  
春日喜雨次東坡答郡中同僚賀雨原韻

淡旬困風沙苗枯及沃土老農望歲殷春日阻雲雨  
稽首祝穹蒼有年祈自古原田斥鹵多憂傷切心膂  
民力疲征徭灌溉竟誰許況經懷裏後草萊沒堦礎

原邑屢  
被水災

所賴皇心慈詰朝響雷鼓膏雨連三日無復  
塵濺屢旱久喜優渥轉欣商羊舞隴麥鬱青蔥童叟  
懽笑語屈指芳菲過清明一百五桃柳漸扶蘇踏青  
人難數潑醅敲春甕祭賽及貓虎爛醉歌擊壤古風  
樸可取

雜詩 二首

操船逆水行水膠船不進長年日喧呼櫓柁氣空奮  
進咫而退尺望岸究難近歡顏慰舟子以待勿慚憤  
險阻本天意豈汝力不迅平生懲輕躁始逆終自順  
納手坐河干靜俟風聲震

昕且怯春寒冬裘久未換啟戶理園花強半姜霜霰  
瓦盆三五株僅堪葵與莧園丁意頗懶筋力疲澆灌  
猥笑主翁愚瑣瑣此焉戀物以罕見珍草具同玉饌  
取暢生機耳天心無貴賤

題桃園圖

一至偶得路再至復迷津當日桃園主攜家為避秦

於世無所慕浮名何足論歸舟報太守此意徒紛紜  
松柏少完質樗櫟能全身至今武陵中多事怨漁人

禹王臺

補注在郡城東北隅

高臺面東湖湖水涵清影雨過秋風寒日落斜陽冷  
漠漠晚烟中荷香渺千頃

晚步

日暮春氣寒清飈杳然至羈客悵空帷欲眠愁無睡  
啟戶陟前楹小園喜幽邃地僻絕塵囂心閒脫物累  
杏萼綻微紅藤蔓絡新翠搖曳柳絲柔錯落竹光碎  
鷺月棲禽鳴誤影村厖吠漸看浮雲斂俄聞流水逝  
得此愜素懷息交謝時忌曠達緬古人榮辱知何介  
載咏南山篇行樂從今始

春日遊水峪山

世人皆逐熱吾獨愛趨冷尋常跬步間斯念亦耿耿  
詰朝理輕策欲踏水峪頂避喧而就寂畏與俗輩等  
逶迤及山麓一一詫新景奇卉垂蒙茸峭石插孤挺

斑駁徑鋪苔拳曲木生癭老柏纏危壁怪藤翳深窅  
鳥唳怯風聲鼠竄駭林影漸憇蕭公石遂造梵王境  
古殿半傾欹荒涼人迹屏惟聞廢圃中泉聲滴幽靜  
山僧知客來款茗獻杯茗欲與談無生念茲歸路永  
攬衣出門去夕陽銜西嶺

讀莊騷偶書

南華喜放誕離騷憂迫感苟能通其義屈歌莊可哭  
蒙叟用世才詭譎傷末俗感憤樂道遙冥情非所欲  
靈均楚宗臣悲愴生衷曲微詞託湘靈中節豈謗讟  
余幼嗜二書薰沐日三復頗謂獲心解同工各機軸  
作詩告後賢駘駒休局促

孤桐吟

南山有孤桐百尺無旁枝時久乏靈鳥鴉雀溷所棲  
托處非不高磊落與性違尚蓄稻梁謀翩然入藩籬  
鳥飛多變化相生無轉移兀傲出雲外來儀會有期

三月三日同聖祥過四瀆望栲栳圍

一徑入委陀沿山恣幽討旁流丹溪水激輪聲浩浩  
山中多水磨絳桃開燦爛絲柳垂夭矯錯落邛鳩中四面  
圖畫繞漸深異境闕突兀撐雲表詰屈路蛇盤攀緣  
人蟻小羅列羣峯低兒孫媚翁考考栲栳俗名也即考老之訛嘉名  
錫有因襄徇心如憐媿無濟勝具空眷林巒姣安得  
天台藤扶予陟縹緲

秋日咏懷

麒麟天下瑞不輕見林邱鴉鵲逐人飛空廩日喟喟

畫粥軒

卷一

十

士無達觀識進退皆包羞坐牀幼安傲處囊毛逆愁  
兩者均有見何去復何求杪秋多佳日籬菊擁堦稠  
冥然入醉鄉人天失怨尤

古意

松栝大十圍藤蘿來絡之附託於光寵俯視衆草靡  
倏忽繁花綻桃李呈妖姿鼓吹蕩人心守株空爾為  
轉移胡足惜當初嗟弗思爰緣無高品狐性況多疑  
書門陋翟公盈虛因其時

貧女吟

女富嫁多易女貧嫁獨難指爪胡足計顛倒及容顏  
門第限人材論古徒慨然縱懷織錦巧寒微豈屑憐  
亦有補衮手涉世少蠻緣范蠡尚未逢苧蘿盍終焉  
桃李嬉春風松柏秀空山真色不窺戶含貞以待年

山館述懷

我居不在山頗知山中趣錢刀算錙銖何如城市去  
愛雲常陟嶺聽鶯每選樹野花不知名紅白盈道路  
時或笑媯然向我消嫉妬瓦盆濁酒傾哦詩耐警句  
琅琅金石聲亦足娛遲暮行深不覺疲登頓忘返顧  
水邊新月上重疊捲煙霧清光澹塵心化機達者悟  
紛紛取名客欲告逢彼怒終焉怡我懷隨時試芒屨

山中秋望

山間多柿樹經霜葉微赤參差夕陽中楓栢色不敵  
余性頗愛此高吟倚盤石桂萼漸凋零菊花亦狼藉  
似嫌秋容淡媯然破岑寂

咏懷二首

昔夢獲丹篆，詰屈形模古。龍鳳雜蛟螭，點畫誰能數。  
近欲持示人，舌橋不敢吐。譬彼適甌越，章服怪鄒魯。  
捧之三歎息，辨香手親炷。識奇有天授，掩卷謝儔侶。  
巉巖百丈峯，發軔自平陸。但無怖蒙茸，虎豹吼深谷。  
入穴方得子，遑計躡吾足。斯道患榛蕪，開闢在專獨。  
羊腸九折坂，車馬日奔促。拔幟登其巔，勿徒隘心目。

遣懷

置粥軒

卷一

十二

文章有定價，過後乃知之。當其失意日，氣激多強辭。  
砥硤埒琳球，見醇不見疵。無論技未進，精焉斥亦宜。  
茫茫造化中，疇能執其機。窺內醢雞舞，未識天四垂。  
宇宙富材傑，況多勝於斯。士患無特操，挫折安足悲。  
讀書儒者事，得失視若夷。稷高功有濟，曾閔行不虧。  
曷必讐圭組，衡泌可樂飢。兀坐松窓下，泊然心無私。  
春花與秋月，興來把一卮。

自榜棹園下踰井溝

嶽寄歷崇崗偈仄緣微徑攬裘幾錯愕達觀慎軀命  
下臨不測淵潭潭色深靚上有顛鷄風倏忽殊迎送  
所賴謹操持路險心彌正世界坎壈多倉卒無忘敬  
杖策出危途性定顏亦定轉盼就坦夷溪鳥戛清磬

方山東北小邱

俗呼金龜探水

魯邦有龜山名與東蒙比身未踐其境不知狀何似  
旁魄空谷中塊然乃見此穹窿者背脊四圍儼具趾  
垂首舒長脰下飲千尺水吾聞形家云斯地多聚吳  
龜為王者瑞推測或近理納錫重九江潛伏胡乃爾  
胚胎造化中莫能窺其始

有以理學異同見詢作此答之

吾意尊程朱亦不詆陸王此事須平心公論非騎牆  
陸王撤藩籬程朱履康莊翹首瞻闕里各登夫子堂  
殊途而同歸云何相謗傷參魯傳一貫回悅儼坐忘  
當時有仲尼皆在弟子行

沼沚養游魚嘉者為魴鯉娛賓供烹煎果腹良可鄙  
亦有濠濮想注目臨秋水灑灑芥藻中適情興而已  
豈知掉尾鯨難與鯢鱖比不受煦沫恩跋浪滄溟裏  
變化附飛龍聽爾春雷起

昔聞漢倪寬時或帶經鋤亦有黑色兒牛角掛史書  
從來磊落人不少墮歡娛種竹無種草蔓延被堦除  
養鶴莫養鷄苟且搶枋榆竹性多挺拔鶴飛少躊躇  
聳壑與冲霄咄嗟焉得如

冬夜讀東方誠子詩感示葵林二首

少媿知名蚤致身慕青雲蹭蹬志不遂混跡依邱樊  
竭來山中住山空淨見聞凜冽歲云暮積雪漫平津  
茅簷燈影寒骨肉幸相親夜闌呼兒語奧義儲典墳  
吾家多種德田疇非所論大業在勤苦努力效經耘  
勿貪近小利而忘遠大謀亦莫犯睚眦胸中伏戈矛  
立志欲卓犖居心惟寬柔貴富關乎命操行可自由  
圭組耀閭里不如德藝優萬事平等觀吳越若同舟

泰岱俯羣峯滄海納細流爾能擴其量入世乃無憂  
憶萬北舊遊追賦二首

萬北山水窟竹木有餘清首夏多啼鳥調舌韻琵琶  
門前通畧約微波漾空明短籬隨徑折屋角酒帘青  
到處堪小飲何必求友生孤往得勝地近遠不計程  
爽氣在野多忙人疇領畧擾擾仕宦胸未解利名縛  
居民謀生理亦難廢力作惟我支離身時或具盃酌  
淡煙抹山椒微風隕竹籜佳趣契此間名言非真樂

畫弼軒

卷一

十五

小雨

早甚望霖雨竟日意徘徊侵晨忽飄落錯莫點青苔  
園亭濯竹樹階除淨塵埃呼童灑几案簾捲輕風來  
嚶嚶小鳥鳴近我無嫌猜連朝噴酒困聊爾持茗杯  
清芬浮綠濤豁然心目開即此堪怡悅尚祈潤枯荄  
安得滂沱降霑洒徧九垓

春日園居

病餘疲登陟遊目未遑騁盆花羅庭前約畧備數種

雖無葱蔚觀頗足伴清冷梅韻含瀟洒柏勢鬱孤挺  
蓄水養芰荷如錢三五柄橘相實未結得雨機亦逞  
何須乞買山即此塵囂屏暇時遠砌行微吟啜新茗  
惜乏彌明才奇句聯石鼎

原邑近城有葦數畝頗披拂有致間或過之輒  
低徊不忍去因繫以詩

生平愛種竹無竹代以葦虎賁與中郎庶幾得其似  
儼具綵笱形況值微風起泠然韻亦清能鍼砭俗耳  
竹性凜其剛葦德柔為美君子處世間兼取各有旨  
近郭翦伐多浸灌復缺水物類罕見珍作主者誰子  
題詩為叮嚀牛羊勿踐履

題畫竹

畫竹非真竹展圖清心自數竿亦瀟洒況乃大盈幅  
擎雲節礪砢森森若新沐恍作渭川遊不然亦淇澳  
坐我叢篁間風聲戛寒玉返嫌湖州派名材氣局促  
廣厦却炎歊挂起肌生粟

桃李篇

桃李亦凡豔相知苦不早忽蒙雨露恩僉云顏色好人憐物亦憐香引飛蝶繞賞識及枝葉百匝看未了松桂棄不惜違言拾瑤草俗士乏真鑑知榮弗知槁不是愛桃李目前以為寶成蹊本無言歡欣生煩惱從來攀附輩末路幾能保屈指牡丹時幡然又傾倒  
旱久忽逢大雨書以誌喜

炎夏屯膏澤龜兆裂田土居民暴巫尫砢碣搗社鼓

畫苑軒

卷一

十七

一朝元雲合氣鬱土囊口旱魃驕不降豐隆赫斯怒如聞錢塘君嬾龍加捶楚倏忽天瓢翻馬陵射萬弩淋漓銀竹垂烟爍金蛇舞潢河駭傾瀉渤澥孰挹取簷瓦鳴昆陽震蕩岌庭宇六鷁吹倒飛蠅蚋避無所翳余困繁溥對茲掀眉嫵拂拭黃琉璃酣眠日過午習習腋生風起坐茶煙吐耳畔崩濤驚階級疑淑浦杯水覆堂坳點滴奚足數想像阡陌間歡騰農與圃霖蘇敢云遲秋禾晚可補不須操豚蹄餅餌香生野

錢鏐既戒備招邀集亞旅戴星晨叱牛行將藝稷  
黍

詠古

造物本無私何心知祝詛小民善怨咨祁寒兼暑雨  
當其呼籲時不聞若不睹洎乎霖霖降擾擾吐拜舞  
留侯託神仙陶朱業商賈從來淡蕩人有功不自詡  
絲蘿糾攀地松柏邈千古

殘冬

畫粥軒

卷一

十八

歲叙殘冬迫留滯大河濱晨興靜無事簾影上朝暎  
古鼎茶聲沸有酒亦盈樽檢書整亂帙不缺典與墳  
壽陵時學步詠史懷古人高吟運租船誰作君山隣  
却思脫羈勒出步城西門寒郊無匿影落葉正繽紛  
塞鴻忽飛來流響過青雲

冬夜獨坐

寒月窺簷皎獨坐滅畫燭萬籟寂無華殘漏響哀玉  
木犀滿院香不言媚幽獨妙諦誰參證塵中惜奔鹿

何須象罔求迷悟如轉轂回頭彼岸登四面琉璃簇  
刺名關未破清境逝難復

館中步月

冬月皎於秋新磨鏡啟匣蕭疎萬木凋遮眼無片葉  
浮雲凍不流水雪凜相合庭中荇藻橫出水幻疑濕  
夜半戀清景往還步百匝非不畏奇寒一墮追莫及  
催曉唱天雞喟焉增悵悵

見書太白詩於王順旅店偶次其韻

畫粥軒

卷一

十九

駕馬戀棧豆羈留不知歸那計北郭外明霞擁翠微  
斗杓迴東指五柳映柴扉溷跡囂塵中今朝始振衣  
輕車就熟路落日鞭共揮征途輪蹄促天寒所見稀  
澆愁借村酒酣飲暢天機

悲歌

百里初綰綬閭巷共播揚造謁多親故招邀羅酒漿  
冠蓋過郡邑僮僕借餘光聚觀誰家子嘖嘖稱道旁  
依然章縫士狀貌詭非常余亦忝故舊欲語更彷徨

伏戶拔薤本妙喻嗟不祥守瓶如鄭公龜勉隨雁行  
却思葭葦輩談笑喧茅堂昔曾作白眼今乃効趨蹌  
咳唾落珠玉都忘罵座狂世情日反復悲歌激中腸  
對酒吟

余非慕高隱留滯居河濱親朋漸踈濶樽酒日相尋  
蝴蝶忽飛來看花知己春茅簷發高興把卷懷古人  
傭書亦常分定遠何悲辛金章與紫綬濫冒豈堪珍  
耕釣且溷跡況乃備上賓與我周旋久不須更結隣  
即事成吟咏把盞岸綸巾置身榮辱外浩然全天真

古風二首

避俗未脫俗苦衷難共宣松柏性孤潔不絕桃李緣  
黃綺日以遠崑閬非人間安得似方朔詠諧終天年  
龍蛇不同時河濟清濁懸誰操人倫鑒板築有高賢  
衣珍不知珍齷齪碗杯酒誰念機窓下費盡經綸手  
巧拙竟何憑能者多不有密釀蜂已疲絲繰蠶在否  
濟用人知珍言功休恃口先幾能免禍新婦無妨醜

春日踏青

平壤缺峯巒登眺借高阜春風不擇地隨處催花柳  
田疇上下錯宿麥回青否茫茫塵沙中新抽葉如韭  
小鳥例知時鳴聲出林藪誰歟惜寥廓延佇勢難久  
杏桃紅破萼籬落杳何有歡然接田夫泥甕開春酒  
出遊

余非好出遊孤懷愁無寄懶慢困殘編欲豁胸中氣  
徐穉榻久懸問奇無人至醉鄉亦暫逃茗飲多妨睡

畫弼軒

卷一

十一

惟遊可遣愁愁復不擇地村樹散清樾野卉含生意  
北南隨道塗藉草倦即憩旁觀時駭怪咄哉非所計  
飛雲起遙情引領颯無際落花及鳥啼妙悟闕根器  
恍與華胥遊焉知塵壒累發興哦小詩儲王任品第  
回首塵市間擾擾方競利

餽雀

有雀巢初出力弱不能飛忽墮簷前地啞啞聲亂啼  
憐爾猶黃口弗解辨東西呼僮曰餵養卹及渴與飢

漸久似馴習出入必相隨翅長欲遠颺尚恐怨別  
雀我知爾意黽勉為囑辭行矣無返顧銜環非所期  
努力奮雲路毛羽生光輝流音揚四海豈但報私恩  
宇宙機械多得意防憂危爾勿遭彈射鍛翻再來歸

柳林

幽境不嫌頻每日必一至雖未親花藥實已脫拘繫  
堤形亘長虹綠楊相護衛雨後塵氛清鳥語出深翠  
笑談人不聞孤往更愜意跌坐敵靜功何知有禪味

畫弼軒

卷一

廿二

與葵兒論交作以示之

相者但舉肥此言有餘哀人固不易知知人豈易哉  
范丹貧不朽石崇富生災庸奴貪未醒把臂誤蜂豺  
恩仇分骨肉餘乃及朋儕擇交不擇心徒爾罪形骸  
旁觀顧之嘻莫或挽其積風塵識將相何用黃金臺  
君子多濶踈小人喜擠排平昔無培植患難疇與偕  
忠信易要結臨時更低回古今肝膈友安論貨與財

園松

蒼松植崇山虬枝挺霄漢如何依茅齋瓦盆仰澆灌  
土薄生氣鬱鱗甲無由變坐使棟樑材寥落齊櫟散  
繫誰破朽斲泥塗以手援拔置上林中拂拭光華燦  
猶是凌雲木今昔榮辱換物生宜擇地時多尠卓見  
高挹雨露潤俯絕藤蘿扳一朝獲栽培礪砢萬人羨

咏懷

我聞吹簫客乞食歌市上亦有灌園叟千金菟卿相  
靜躁既殊規人品難以侂苟無父兄仇忍辱豈所望  
曷弗躡高踪長揖謝塵埃知足者不屈冥然齊得喪

秋日即景

驟雨駐暑去林園暖新沐蒼然砌松寒沃若盆草綠  
石榴紅豔豔玉簪香馥馥移坐萱花棚纍纍適在目  
涼飈漸攏森蛩音忽斷續地僻興轉超景清神俱肅  
微吟秋水辭元言契幽獨

讀孔文舉雜詩有感

呂望老匹夫管仲小囚臣藉非孔北海言大徒羞人

丈夫處世間局促豈足論不顧俗眼驚惟期大義伸  
稠人廣衆中披豁見性真竹柏挺荒穢雕鷗出風塵  
從古磊落士發議恥陳因酒酣忽岸幘雄談氣如雲

古詩三首

岫巘有神碑形模苦詰屈周宣留石鼓點畫惜凋缺  
經史在天壤粲若星辰列云胡瞠目視小儒亦咋舌  
古學漸陵遲微言將歇絕誰揮魯陽戈再返虞淵日  
浮雲蔽月明衆星光歷歷下士希末光仰視吁可惻

畫粥軒

卷一

十四

流螢綴枯草短檠耿暗燈詎弗耀微明所矧逾丈尺  
客有明月珠懷藏厯歲年出袖持示人賈胡亦茫然  
珍物稀見賞自猜復自憐豈伊疇昔誤魚目衆所歡  
未遭按劍者什襲且終焉有日懸明堂吐光灼几筵

咏史四首

揚雄老執戟蕭生甘抱關豈乏過人畧當時罕識焉  
豫讓事中行碌碌少偉觀及報智伯旧大節炳塵寰

衆人遇國士懷古空涕漣

鉛刀堪一割況乃為龍泉不遇荆鑄輩磨礪徒有年  
我聞朱翁子負薪爛柯山遭逢漢皇帝懷綬耀故園  
人患無經術賤負豈足憐

養士無殊禮士不為之用燒燕空飼龍腐鼠休嚇鳳  
淮陰昔未遇洪顏食楚俸胡為垓下圍數重弗少縱  
士因知己死推解尚未重不聞老侯嬴向風刎頸送  
道經規守雌易辭戒用壯苟無王霸畧高位徒速謗  
蔡澤本匹夫立談取卿相吳起亦儒流棄親求為將  
躁進古所恥況兼身名喪邈矣魯連子高風振海上

畫弼軒

卷一

十五

夏初出郭外散步有感

浹旬困風霾今晨始晴霽豁然啟心顏出郭縱遐眺  
瀏瀏溝渠鳴陰陰桑柘翳時有雉雉飛遠起麥隴際  
不啻豐年景民胡多凋斃道旁晒老農君真無遠計  
近城饒水田稍過乏根繫大麥半萎黃小麥搶土泥  
方幅地數弓收穫亦云細驟聆心骨驚歸路不遑憩  
稽首祝蒼天甘霖何時繼秋卉播種早民間暫收涕

病起出郭閒步

一病不出門三月阻遊興桂香溢幾時菊落無餘賸  
所幸秋穫畢寒郊四望淨新麥初出土勃勃似相競  
大有不敢知可為農夫慶何如赤千里雖晚未為病  
夕陽滿前村紅葉遙掩映卧久筋力疲欲往怯遠徑  
惆悵立中田林外一聲磬

秋日潮音寺看白蓮

颯然秋氣變絺衣怯微涼小住憩荷亭池水湛清光

萬柄綠參差中有曼殊芳天然雕飾去浴罷試晚妝  
姍姍凌波來相對舞霓裳誰與目成者市語沸蜩蟬  
喧寂兩無礙達觀契杳茫招涼不用扇毀茗神自揚  
細雨薄暮至法界聞暗香

妄想痴心皆學道之累也人易犯之作二詩以  
自傲

綠想斯成妄惟妄乃益想不施慧劍割方寸幾復往  
乞丐夢王侯茲報安不爽當其狂惑時亦未悔鹵莽

平地起樓臺倏忽珠簾晁木難借空青攪之若在掌  
蕉鹿醒何年顛倒祇見在入林魚難求去絃琴不響  
異數獎異材富貴原非倘無因而至前理猶戒久享  
慙憤姑矯語咄哉其頑強

妒人未損人無乃自戕德道家忌陰謀害深比於賊  
絳侯護賈誼子蘭嫉正則畢竟千秋名誰失復誰得  
況爾牛羊眼幾微變顏色鄙夷貴與富外強中怵惕  
假若易地觀豪氣猶陵迫驕諂殊反覆終身陷大惑

畫粥軒

卷一

十七

此實厭相對哀憫憂太激作詩箴後賢須知虛室白  
處世守中和夜長無反側

田間觀鋤禾

炎風蕩林木檣枕花間宿蚊虻如雷欲睡不能熟  
出門陟中田學分麥與菽老翁揮巨鋤左右耘嘉穀  
赤日射其背汗流若新沐豈不懷晏安而憂生計促  
對茲增歎息於心歎有觸人苦弗知止既得隴望蜀  
茅舍亦清涼俯仰隨所欲有茗堪滌煩有書可供讀

不識耕稼勞三餐已果腹胡作非分想慨焉慕華屋  
晚步堤上望太行

落日秋原淨散步登大堤河水明如練村遠暮煙圓  
樹隙眺山色一帶碧遙迤晴霞相激射想見樵徑微  
嵯峨千仞上時有片雲飛塵務阻幽興素心惜多違  
可望不可即眉黛空依依安得終日對秀色以療飢  
坐我溪澗側紅葉弄嬌姿慰茲寂寞懷掩映發妙思  
把酒看峯巒咏嘯不知歸

畫粥軒

卷一

十八

寓園小飲

好友不易得獨處又鮮歡皎皎庭中月難遣此夜闌  
隨意共談笑草草羅杯盤說鬼無不可但莫及陞遷  
禾稼今秋盛雨大憂波瀾此亦天公事祀人未達觀  
快吸盃中物塵世幾周全啟期具三樂過貪非所安  
知止者不殆分憂誰能干酒殘漏將盡且去我欲眠

偶步沁堤觀優人演劇

少水曲如弓陽堤檢束之清晨出郭登灘勢寬且夷

舞樓結構精五采光陸離歌兒演古事荒唐解人頤  
插冠雉尾雙天治見胡姬雖無好身手鉛粉亦頗施  
木蘭勇從軍疇辨兔雄雌逢場作戲耳過信反為癡  
取足暢吾懷真妄了無知脚軟歇柳蔭策策午風馳

乘涼

炎氣苦蒸鬱何如適野外涼風樹底來四面無障礙  
絺衣挂高柳箕踞人不怪擺脫文字緣是為大自在  
強若談名理而與支許對禾穗抽新雨蟬聲隱殘靄  
化境在世間寂喧兩不害却笑浮雲忙吹散無根蒂

謁許文正祠

憶昔館何陽屢拜昌黎墓澆花井咫尺置之弗遑顧  
今來北山麓文正祠作寓公墳亦匪遙展眺肅封樹  
天意待吾厚兩值名賢處無文豪傑興况復導先路  
斗杓揭中天即此是師傳闢邪原道存入聖小學具  
披文尋墜緒狂瀾誰砥柱大道不絕人所望脫塵務  
鄙魯在吾鄉底用生遐慕禮器與車服徘徊不忍去

山下乘涼晚歸即景

行藥擬緩步寥廓何所適盤旋蟻垤繞相去儼咫尺  
既乏掛瓢地亦少賭墅客龍象邈難儔桂蘭荒未闢  
曖曖眺中田輕陰錯青碧披襟時一往庶幾散愁積  
小鳥雉雉鳴決起橫阡陌慰我羈樓懷琴筑響絡繹  
透林涼飈吹墜崖懸輪迫坐久不知晚霞拖魚尾赤  
從容躡芒屨柴扉掩將夕牛背扣角歌蒼茫出林隙  
館中柏榴各一株暇日戲為解嘲

畫羽軒

卷一

三十

榴花如好女豔冶倚薰風小柏譬貞士挺特勢摩空  
兩者不相類胡為列西東炎夏困書冊得茲長笈容  
有操品最貴有色貌加充取足侑酒盞偏愛論非公  
濃淡均堪玩何須判翠紅不見無人境遊與鹿豕同

秋懷二首

熠燿際秋宵沿溪耿寒焰飛蛾誤燈明撲影起坑塹  
羣蛙亦鼓腹爭先取投暗漁父罷釣歸身閒慮自淡  
前路黑如漆顛仆誰相念皂熱不因人希光終遺憾

少憩柳林幽涼月吐清豔

鷓鴣欲巢林一枝已云足飲河嗤羆鼠不過求滿腹  
大小本殊觀人各從所欲市兒算錢刀錙銖競相逐  
季奴人中豪百萬供博局兩者互為笑得失終難卜  
秋月湛虛明隨緣堪授讀暇時閑我門且吸杯中醪

出遊

出遊不擇人童冠皆可攜天地一指馬道大非兩歧  
何必洪崖子拍肩乃相隨峩峩縫掖士口不道書詩  
野夫較坦率曾未藏九嶷時止時復行逐處協天機  
工拙憑人論通介兩不知我法還我用非效魯士師  
連日出遊作以自遣

一日一回至一至一回新境地還依舊殊賞存乎人  
鳥聲異昨聲天雲非故雲舊穀春新米世事幾認真  
我無滯礙曾寓目皆非陳觀書亦如是墳典誰討論

山館夜坐書懷

山居乏勝槩徘徊登陟幸不遮望眼放懷睇八極

孤鶴排雲來逸興生羽翼欲和伏櫪歌處仲情淒惻  
欲彈鬱輪袍摩詰無顏色丈夫志千古安能貶胃臆  
毛椎非誤我頭無污紙墨袖有凌雲賦狗監豈須得  
堂皇策天人江都乃其則士稟有介操不愧萬夫特

冬日晚起

窓虛上寒日晶明炤一室林葉墜堦除簷雀語啁啾  
倦容睡起遲爐存火不熱館僮催早膳肴菽幸未缺  
平生愧樓護干謁非所屑飯罷適長吟俄見飛霰疾

畫弼軒

卷一

卅二

徘徊撫古松籬外羨高節

雪夜獨坐

雪落下布簾寒齋秉孤燭聲希寂不聞茶響似相續  
罷講休徒侶塊然守幽獨據几我吾忘微言誰賡復  
歲序迫殘冬居人劇奔逐清機得來難享此知非福  
尚冀返舊廬梅藟香如菽預辨踏青鞵春郊不嫌曲

悼梅

梅種宜深山云何寄籬落雨露天無功性命資一勺



畫齋軒自怡草

河內曹履青畊陽甫著

男蔡林補注孫蔚宸曾孫同謙校音

七言古

閱王文安公諸帖書卷末

勝國書法誰最古孟津筆力如龍虎南董北邢標榜  
多自公視之搃媚媼上規鍾王下歐顏碌碌餘子詎  
足數楷法莊嚴唐劍佩隸書肅穆漢規矩就中章草

畫齋軒

卷二

一

尤神奇天馬天矯鶴軒舞伯英懷素存者稀造化斡  
回天能補技進乎道人力精哲嗣更接羲獻武公誌

諸子皆工書

瑯華館帖擬山園墨派流行世莫伍坦

公同時頗挺出如駢有靳蛩依鉅諦觀終嫌筋骨柔  
列宿歛光避北斗余生距公未百年壤地近接鄰與  
魯遺蹟借來球貝同等閒不敢輕摹撫憲明几淨披  
玩頻貧兒暴富驚環堵安得妙手臨百繚醫人俗骨  
砭人腑當塗典午風格存藝林誰云賤如土會將什

襲貢明堂煌煌上擬宣王鼓

秋日感懷

男兒墮地氣慨慷東西南北窺  
滌瀆奇人傑士不易覲聊憑巖  
壑結幽賞蚤歲譚經花縣西大河  
環繞亂峯圍夾澗天桃紅簇簇  
隔嶺芳草綠菲菲弔古特拜昌黎  
墓選勝常臨潘岳祠有時登高豁  
胸臆落霞秋水搖參差邇來扈城  
暫駐足此景銷沈不可復條侯古  
碣半淪埋貞公厚德徒尸祝公諱  
師德後人為原

畫粥軒

卷二

二

邑望族

野平於掌廢登臨城大如斗傷局促獨有盆  
花三五株早晚扶疎悅心目今昔俯仰成達觀疇云  
寂寞疇云歡有書可讀酒可飲一醅醉倚赤闌干

小南海

舊名天鷲池勝國鄭藩養天鷲於此

潮音寺居水中央卧波三面跨虹梁規模雖小結構  
巧落迦山形儼在旁殿上法像供大士淨瓶蓮座交  
輝光文殊莊嚴普賢善淨獅象排兩廂最後一閣  
出霄漢朱甍縹緲凌風颺池內白蓮植千柄花時如

聞功德香陂傳魯連湖僕射此勝與之相頡頏雨過  
風定俗塵歛曼殊陀利爭芬芳我來恰值日將落名  
蓋寂靜如秋涼解衣亭上味禪悅高僧跌坐談空王  
看花啜茗亦清福云胡羈絆名利韁回頭彼岸在咫  
尺化人渡世操慈航安得揮塵日居此鬢絲禪榻隨  
相羊少焉月出萬籟息雲際彷彿天鷲翔

燈下讀東坡夜過舒堯文戲作詩有感次其韻  
硯田耘耨耽清苦差勝債春寄廊廡年近強仕猶依

畫粥軒

卷二

三

劉擇隣遠愧三遷毋設帳南東

余初投徒河陽  
近復館原邑

屢抗

顏入學羞擊大昕鼓隱侯古韻誤雌霓元亭奇字昧  
淮雨繫余濫竽豈得已戶牖綢繆誰敢侮毛錐累人  
拚擲去慷慨遙希擊楫祖

論詩長句示從遊諸子

文章萬古發天籟摹擬割剝皆孩童縱然圖畫得形  
似中郎虎賁無真容何如一心幹元化蠶叢獨闢蘄  
洪濛李杜蘓黃競高唱如登天廟聆鐘鏞假使當年

各依傍拾人餘唾寧英雄粵鑄燕函不遷地虞陶夏  
匠無兼工學水未成去畫火古來妙技羞雷同況彼  
詩以道情性三偷徒欺盲與聾官禮煌煌濟世業舒  
王緣飾誣姬公穎水箕山行志耳終南捷徑希高風  
欲知偽體在盜襲詩家操萃難包蒙闕睢麟趾少故  
實宣尼排慕先雅頌叶興會所到任揮洒跼踏唐宋  
何其庸雲霞卷舒日星燦大文天地無終窮爐錘在  
手曷揀擇參苓洩勃俱收功斬盡葛藤立壇坫騏驥

畫粥軒

卷二

四

一鳴凡馬空

對酒歌

日月如擲梭不飲當奈何四座且勿詳聽我對酒歌  
名留飲者惟劉伶婦言不用日沈冥荷插隨車死便  
埋意殆不願求獨醒同時追步稽與阮拍浮竹林共  
偃蹇或聞鸞凰鳴歎息為人淺或效窮途哭慷慨作  
白眼諸公當年盡英傑胡為沈酒自輕褻傀儡滿腹  
無人說躡後跋前困羈紲不如醉鄉之中較寬大可

以科頭箕踞養其拙我曹類昔賢不過豈偶然開口  
觸忌諱囁嚅何熬煎沉逢良辰兼美景胸中鬱塞莫  
由逞澆愁急呼劉白墮此意惟有達觀之人庶能省  
不須葡萄釀那用玻璃盞一斗入腹肩自袒仰天大  
笑冠纓斷彈琴擊筑忘且晚俯視塵世皆泯忍飲酣  
歌罷秋風生忽省皎月窺孤館

寄許貞庵

文章興廢豈關命友朋聚散迄無定昨日花繁今日

衰誰從零落湖全盛憶昔敦盤初訂盟文心才薄悉  
相稱洞林特起尤瑰奇七札橫穿筆力勁紀郎不屑  
時世粧五丁鑿山關蹊徑子更大雅能扶輪約束羣  
英稟號令不識刁斗夜頻敲武侯旗鼓出必正邇時  
我少忘駕駘勉操戈矛執鞭鐙螳臂奮發能當車謬  
蒙推獎愛復敬那識數年成滄桑死生條忽判弔慶  
得路青雲頽已開齋志黃泉目未瞑

貞庵洞林登科

而直哉謝世

天乎蒼蒼何處尋欲叩窮通默不謦自

歎支離無用人曳尾泥塗愧蹭蹬迂疎敢謂世我遺  
激昂自詡貧非病時逢佳節每愴神月冷花寒減新  
興酒酣放筆為長歌舊遊回首憂心恹

題程无咎繪河內山水

大行西來峯插天奔馳起伏青蜿蜒紫金壇高出霄  
漢白松石上垂千年春藏水峪氣蒼鬱泉飛真谷聲  
琤潺寶光寺古更幽邃如雲樹色山灣環千彙萬狀  
難遽述誰驅形勝歸毫端楓園居士富邱壑蚤歲妙

畫粥軒

卷二

六

參書畫禪解衣槃礴轉閒靜頃令咫尺成大觀樓臺  
殿閣巧結構規撫李成凌范寬想其伸紙意慘淡眼  
底落落羅峯巒忽然溢墨掃鉅幅雲嵐變幻波濤翻  
余性雅負山水癖屢去屐齒窮危巔畫圖所載未徧  
歷披閱空令心煩煎安得聳身躡絕壁一一巖洞恣  
盤桓卧遊不羨宗少文幾聲鸞嘯碧雲間

菊花歎

中秋節過屆重九鄉俗例飲茱萸酒齋中花少嫌寂

寥欲向東籬乞所有近時種植尚新奇洋菊之外皆  
鄙夷束縛花枝就規矩翦除花葉當栽培人生爛熳  
適其性何獨戕物至於斯我初見之心不然襲人窠  
臼非豪賢蘅杜香由左徒重椽粟名因拾遺傳鄭公  
書帶庾郎非當年嗜好聊隨緣况兼菊以隱逸著蟬  
蛻富貴羞達官打鼓吹籟日喧哄無乃人歡花涕漣  
此論似奇非妄發中有微旨資玩索學花何如竟學  
人品似淵明應無失不然桃花亦凡品避秦武陵豈

畫粥軒

卷二

七

俗物

磨甍堅銘

磨甍堅畏於言福有基禍有門磨甍堅慎於言滕其  
口厚其頰嗚乎言之銳利森於劍倏忽傷人衆不見  
言之迅駛疾於風防檢偶踈終必凶善蓋愆磨甍堅

牧牛詞

朝驅牛暮驅牛牛行不離在坡頭昨日牧牛南山之  
南今日牧牛北山之北但祝州長如腰齊寢詎隨牛

不相迫嗚乎牛兮牛兮汝肥我喜汝瘠我悲食人之  
食忠其事盡職豈為辭鞭笞

伐柳謠

補注郡城至清化鎮驛柳甚盛乾隆丙午飢民發掘殆盡今等牛山之木矣

道傍柳依舊否昔時蔽葦蔭行人今日摧殘充饑口  
官府無譙訶里正但搖手伐樹掘樹根僵仆什八九  
松桂為薪桑榆盡何況凋傷半已朽官倉開人戴負  
塵與沙欠淘溲簿上無名猶空守胥吏狺狺聲如吼  
乞憐幾見給升斗誰訪陶令門誰送灞橋酒災荒觸  
眼是徒聞歎星留點染風光湏仁壽此時東濕民顏  
醜寬政幸逢得運肘文囿曾不禁薪爇作糜差足羞  
黃耆所惜柳易盡民困不能久安得似草菅芟薙旋  
復有吁嗟乎吾欲大地為林藪倉猝尚能活黔首豐  
年栽培凶年取君不見道旁柳

讀書箴

世間田買不了架上書讀未曉但取眼前無草草珠  
玉可為炊藜菽亦堪飽紗縠持御寒不若被棉襖儘

有貪心嗔未足誰知守約始為寶簡閱三百敵五千  
疲羸爭及精銳好善讀書慎無擾口微吟心如憐中  
令太平致有因魯論半部在精討

春日述懷

昔假文正詞作寓飛蝗食稼來無數今茲重為扈城  
遊旱甚不見雨如注緣慳到處逢災荒仰首天高悲  
莫訴有時借景強遣排砌草盆魚備生趣粉蝶翻飛  
任無情紫燕徘徊似相顧興來縱筆草新辭敲金擊

畫粥軒

卷二

九

玉振庭樹惜哉知我復少人小技雕蟲恥自誤莫邪  
屠牛空撫膺夜光投地驚却步謫仙夜郎亦長流少  
陵浣花曾屢住昌黎潮陽蘇海濱古來奇傑每遭妒  
幸我才弱愧數公零落猶傍家園路桃李新栽三五  
株相對朝夕慰情慳雕鷲搏空資羽毛蛟鱷出水垂  
雲霧池中有鳥名信天獨立波心無危懼安貧況屬  
儒者分勞苦玉成豈虛語飲酒讀騷我尚能風沙門

外聽團聚

河陽西灘桃李最繁花時戲作長句以紀其盛  
山館羈纏未出戶啼鶯催客在高樹飯餘徐曳踏青  
鞋嶺畔灘邊恣遊豫異境忽開心目驚微紅澹白相  
錯互石家金谷移在前障遮十里紫絲布玳瑁斑駁  
遙映波膩脂點染紛夾路匝千枝遮董林攢簇萬  
花繞唐墓雞犬有聲尋不難旃帟未掛酤將誤者久  
舊事生然疑恍惚重到山爐寓憶昔行峯數往來隔  
溪此景每相遇河陽今幸得再觀歡暢不啻見親故

天公憐我困風塵時遣名葩作伴住却嫌散置野田  
中美人空谷惜遲暮豈是花神避喧囂新粧炫服恐  
遭妒成蹊徒供俗人歡天真爛熳率其素興發作詩  
欲品題認桃辨杏媿俚句入夢羅浮空徘徊解佩江  
皋尚企慕不如留花待新晴火速歸來促治具傾城  
名士兩相逢飛觴擘笈任歌呼尤物生成解憐人欲  
去迴頭又反顧世間豔質不堅牢懸枝好倩金鈴護

清古	册数	4
定册		220

册数	4
定价	4.00

5

